



اللى باقى من حلمنا

أشمار
أحمد خليفة
محسن عموشة

إلى الأستاذ الأديب
الشاعر /حاتم عبد الرادى

بإعجاز
محمد كرم

الإهداء

ونعيش فى الحلم سنين وسنين

نحلم والحلم عبير ياسمين ..

نحلم بالوردة تصبح

والقمره تبات ما تروح

وأزاي عالعلم نقدر وأيدينا قصيرين

★★★★

«المؤلفان»

الافراج الفنل : عيسى هارون

(٤)

أُسْعَار
أحمد خليفة

« شيماء »

وحياة ربنا الخلاق
قلبي يبحبك يا ما ..
ويوماتى بحلم بشتياق
لما تفارقينى
وتقوليلى بالسلامة
من يوم ما نولدنا
وأنطلقنا فى شارع الثلاثينى
كنا عيال
وحلم البكارة بيشدنا لقدام
ودائماً يا حبيبتى نشخبط ع الحيطان
ونكتب كلام الصدق والمعنى ..
ونهبش طير الجيران
ونحضن الوطن
ونشكيله أوجعنا

ونطلع أبراج الحمام ..
نغزل للقمر فستان
ونضحك ضحكة العرسان
والجرح القديم ينشال
والحياة تبقى ليها ..
ألف معنى ومعنى ..

★★★★




(9)

« سيد خشبه »

سيد خشبه ماشى لوحده وسارح
مع إنه مهريد فى ملايسه
وبيضحك دائماً من قلبه ..
وهومو العالم بتجاوبه
لما يهز دماغه ويروح صارخ
ولذيذ قوى لما تعانده
يبصلك من نظارته
ويقولك روح يا الله يا فالج
سيد خشبه
زميل للكابتن لوفه
يقعد عالقهوة يكركر ..
ويقول فى نكته المعروفة
ولذيذ قوى له يناغش جارتته

ويوصيها تغسله هدمه
وقبل طلوع الشمس تحسه
متنيل على عينه في حبه
م البنت اللي عمرها ما كانت بتحبه
بس عايش في خيال
وبرغم عمره .. ما كان بطل ..
قلبه أبيض ليل ونهار ..
وما يشلش الكدبة في قلبه
ولو ركنت حبة نعانده
وفي لحظة يلاقيها تموت ..
ويحب العالم ويظقظط
لما يلاقى اللقمة تكفى القوت
ومبسط تفكير جداً ..
عشان كده في العالم محسود

ويحب الكورة ويتشيطان
ويمسك فى القلم البركر
وخياله بيعدى حدود
ولذيد قوى لما يتعكر
يضحك من قلبه
ويأدن لصلاة المغرب
تغفر له ذنوب
ويركب رجليه ويمشى
ويقول للخلق يا هو...
إبنى كلام ينشر فى جريدة
يا أخى أتفوه ..
سيد خشبه طبيعى جداً
وعمر كلامه ما يبقى مكسر
طول مالحق معاه موجود
، والكلمة الحرة فى قلبه تعيش
(١٢)



والدمعة بتيجي ساعات وتفوت
ولا بيطاطي لواحد أبداً ..
ولا عمره بيخاف مالموت ..
★★★★

« الماضي القديم »

أنا عمرى لا جريت ورا الشهرة
ولا لبست الكرافتات أياها
ده أنا حلمى بسيط وليه ذكرى
لما أزرع تقاوى الحب وأهواها
وأشوف قنديلك الغالى يرقص ويتباها
بخلقة ربانى .. وأنا الغاوى
أعرق فى أرض الفلاحة
وشايلك فى قلبى من يوم ما عرفت الرضاعة
وصدق العجايز فى الكلام
لو تسمعينى فى ذكريات المحال ..
عن جدى اللى شال
الغلق فى حفر القتال
كانت أيام ..
وناس بتعشق وطن بيجرى ف الشريان

وعينكى لساها بتحتوينى
والسؤال .. ليه الوطن غير ملامحه
وتشقلبت موازين الزمان
كا ت فى الماضى .. الحلوة تعجن وتخبز
وتفرح العيال
ومدارس كانت بتنتج عقول بهية
وتتمنى الإجابة ..
والسؤال يا قلبى يا ميا
الدنيا ذنقا ومقروص جوايا الكلام
شفت الحمام بيغنى
وعصافير بتنده للسلام
أبتسم عرابى وقال لى
ليه الأوان بقى بنى
وأتغيرت حقيقة الانسان

★★★★



(iv)



« إبن البلد »

الكرم عند الشراقة من زمان
من قبل أحمد عرابى ميركب حصان
أنا شرقاوى
وأرض الفلاحة
مهنتى وكارى
ليه اطلع بلاد بره
وأعيش عيشة مرة
واتشندل عشان الدولار
وانسى قنديلنا لخصر
وابتسامة صحبى حسان
الأرض كنز ... بدون
منلبس چينس
ونتباها بالقمصان
الأرض ذى الولد

محتاجة لُحُب وسند
وإيدِين تحب البلد
تزرع كل بذرة
بتوب أخضر جديد
والعيشة تبقى جنة
والقلب يفضل سعيد

(٢٠)



« الممنوع »

« مقدمة »

هلت بشاير كثير ..
ويسلم فمك يا دى الفقير
لما تبعزق فلوسك الفكة
وتنام ونحلم بالضمير
وبقرش صاغ فضة ..

« قصيدة »

يا عم يا بلاص ..
فراقك جاني زى طلقة رصاص
وزعروت الفرحة فى الزفة
لا عرفت مين اللى مات
ولا مين اللى إتزف فى النكسة
لفلفوك يا حلم فى شوية هلاهيل
وقاسوا عليك الكفن

كنت ساعتها لا تعرف شيء عن الموت
ولا تعرف شيء عن الوطن
زغرت قلبي الوحيد لفوق
عن الموت البريء والمنتظر
يا ليل يا فارد حملك على كتوف الغلاية
الصبح شقشق
والبق بالقمة بيناً
في حلق الديابة
يا ليل يا ساكن ف دارى
خد إسمى وأركب حصانى
وشاغب الممنوع
طريق الحق ربانى ..
أموت فدا الموجوع

★★★★

« مضاديق حبتين »

مضاديق حبتين من يوم ما جسمى

عرف معنى البلاط

والعيشة أصبحت قصر ديل

من يوم ما الشعب صوته مات ..

ليه دائماً مديقانى

وخنقانى جواكى أشياء

وتصفري فى عيونى

وعمرى جوايا ما تهونى

لما أشوف جواكى تريق

حتفضل لأمته تعبان

وتزعل من أشياءك الغريبة

عدل أمورك وأفتح بيبان الحقيقة

كل يوم بطلع من هدومى ..

وأخش بيت الوطن من تانى

(٢٣)

تخذك الشهامة فى حاجات
وتحضن الوطن
وتبوس أيدين ...
وتفضل تعانى لما يجيلك سهم صارخ
يقطع شريانك اللى فاض
الحلم أصبح لون التراب ..
والحب مقفول عليه ميت ألف باب
بعثرت نفسك للى رايع واللى جاي
وفضلت تبكى لما الحزن شدك وإنه بتشرب
عالقهوة شاي
تعمر دماغك بأيه ..
مافيش غير تصبر على الصبر
ويكون فى جيبك جنيه
تفنجر عاللى جابك
ولو مرة عابك

إدفع حسابك .. وأخرم عنيه

وأمشى ع البلاط ..

وما تكونشى مطاط


وكلامك المنقاط

ترشقه جواك وتحتويه ..

★★★★

« عفاريت الليل »

ف أرض أبو ذكرى ..
أتلمينا وربطنا المناديل عالقورة ..
وهات يا عزيز
فى أراضى وسيعة
مليانة حكاوى عن أمى وأبوى
كان الوالد حى ..
ذارع عمره بسمة وخضرة وضى
وأنا رايع جى ..
بحلم بالقناديل
تطلعلى عفاريت الليل
تخطف منى الحلم وأموت ..
★★★★



« هز اللجام يا صحبى »

الناس فى وسط الزحام
بتنطق كلام كله قصايد
وأنا عديم الكلام ..
بنطق من القلب الرخام
حزن البشر فالقصايد
هز اللجام يا صحبى
وأركب قطار محطاتى
وأبتسم لعصفور الغرام
وأبتسم للزمن الآتى ..
الليل يهاتى
والشجر يرقص يرماتى
وعصفور مزققاتى
يرقص على شباكى
يعلمنى طعم الحنين ..
(٢٩)

بحلم ..
بحلم بين
بحلم بالبلد ..
بحلم بالولد ..
ويقلب أخضراني ..
يتشعبط في موالى
ويلف فالدرور
وأبتسم بخجل وأمرت
من جرح قتلعنى
من جرح مزعنى ..
وتبت في حلق السكوت ..

★★★★

« صورة »

ليه الخلق دائماً بتتشاكل
والعيب جوانا ..
ونتلكك بالحناجر
والصوت يعلا .. يهز الحيطان
وتبقى الحياة جميلة
بس فيها ضرب نار
★★★★

« رؤية »

جريدة القناة
لينا عليها حقوق
نتمنى صفحة أدب
والشعر فيها يروق
مش عايزين كمالة عدد
غير قصيدة تعبر عن المخنوق
وتهاجم اللى سارق
وتدافع عن المسروق

★★★★

« الشمس فوق التراب »

الشمس فوق التراب ..
لسه بتحضن فى القدم ..
والقلب مليان عذاب
والأهه جـواه تندفن
ياطينة الحى إشهدى
هاتى الولاد ما تغربى
لمى الحبايب للممى ..

وسامحى.. قلب فى يوم ظلم

الشمس فوق التراب ..

لسه بتحضن فى القدم ..

يا ليل الضلمة قوم هات النهار ..
نفض نجموك .. مـالسواد ومـالغبار
مين اللى باع حلم أتكتب
ليه يوم يعدى بينحسب

ده النار بتطلع مالحطب

والدنيا بتمطر ألم ..


الدنيا بتمطر ألم ..

الدنيا بتمطر ألم ..

ده الشمس فوق التراب ..

لسه بتحضن فى القدم ..

★★★★



(٢٥)

« تحت حيطان النواصي »

تحت حيطان النواصي

تحت حيطان البيوت

جدار الهم عاصي

ما بي عرفش السكوت

والليل .. الليل طويل

والآه هية الدليل ..

والضحكة تبان وتظهر

نظهر لكن تموت

تحت حيطان النواصي ..

تحت حيطان البيوت ..

تحت حيطان النواصي

كان الجدار عريان

ووشوش بعيون بريئة

واقف هناك إنسان

وتتلخبط مشاعري
وتتبدل جروحي
تعيش الآه في قلبي
يعشعش عنكبوت

تحت حيطان النواصي ..
تحت حيطان البيوت ..

يا حيطان قديمة عارفك
كاتب إسمك زمان
وفي وسط الضلمة شايفك
شايف كل اللي كان
شايف في عيون حويطة
دمعة بتهد حويطة ..

يادموع ماتت شهيدة
سامع فى القلب صوت
سامع فى القلب صوت
سامع فى القلب صوت
تحت حيطان النواصي ..
تحت حيطان البيوت ..
★★★★

« وتختفى الصور »

وتختفى الصور .. ويختفى الخيال ..
حيطان من غير صور.. وحيطان جدارها مال..
نامت كل الجروح ..
نامت فوق السطوح ..
وعيون خائفة تبوح
وتسأل ميت سؤال ..
وتختفى الصور .. ويختفى الخيال ..
ويخفق صوت الوليد ..
يبعترنى وحدى شريد
ويرمىنى طريق لطريق
وأتوه وحدى وقلبى غريق
واعدى مالمسكك وتضييق
وتقطع فى الليالى حبال ..
وتخفق الصور .. ويختفى الخيال ..

ويخنتقنى سؤال ف عينكى
ويجرحنى سواد لياليكى
فموت والدمعة ف عيننا
نعيش نحفظ فى أسامينا
ونحفر دينا وحدينا
مانعرفش معاها مُحال
وتخنتقنى الصور .. ويختفى الخيال ..
★★★★

« فوق الحدود »

دموع بتنزل فوق الشفايف

وتفوت وتجري فوق الحدود ..

أصرخ وأناذى .. الكل خايف

إحساسى كله هد الحدود

وحيد وماشى فى سكتى

وأدارى آهه فى دمعتى

ويتوه طريقى وضلتى

وصمتى بيصحى الوجود ..

دموع بتنزل فوق الشفايف

وتفوت وتجري فوق الحدود

مخنوق وبصرخ فى الطريق

مستنى أوصل للنهار

والقلب جوه العين غريق

تايه وما وصلش لقرار

أندهيني .. أحضني حاولي مرة تعرفيني
في كل حاجة هتلاقيني

نسمة بتهز الورود ..

دموع بتنزل فوق الشفايف

وتفوت وتجرى فوق الحدود

قد كده أسيا السنين

قد كده صعب الرحيل

ماشى بدور عالحنين ..

مش لاقى للأحزان بديل

حلم كتبته بأيدى يوم

ونسيت معاه كل الهموم

جات الحياة فردت غيوم

والحلم مش راضى يجود

دموع بتنزل فوق الشفايف

وتفوت وتجرى فوق الحدود

أشعار

محسن عموشة

(٤٥)



« مهما تفكرى »

مهما تفكرى..مش راح تقدري..تبعدى عنى..

لو قلبك شكا .. بكلام أو بكاء .. ده بيامنى ..

ده عيونك ليل .. من بعد رحيل

يا عيون بتميل .. ولا بتملى

مهما تفكرى..مش راح تقدري..تبعدى عنى..

مهما تفكرى..ف البعد عواطفك بتجيني

مش راح تقدري..تمحى الإحساس ولا تنسينى..

أنا طير بيطير .. يفرح بالطير

وبحب الطير .. له يطر لى ..

مهما تفكرى..مش راح تقدري..تبعدى عنى..

مهما تفكرى..الفكر شعور بيصحينى..

وساعات تقدري..تحلمى..والحلم يدفينى

ده أنا قلبى شراع .. فى عيونك ضاع

وَيَقُولُ يَا وَدَاعُ .. لِيَهْ تَوْصَلِي
مَهْمَا تَفْكُرِي .. مَشْ رَاحْ تَقْدَرِي .. تَبْعَدِي عَنِّي ..

★★★★



« إهربي مالعالم وإنسى »

إهربي مالعالم وأنسى

وأدخلي إحساسى ونفسى

قلبي مشتاق سنين

أوصف وأشرح لمن ..

يا عيون كلك حنين

بتدوب كل همسى

إهربي .. إهربي

إهربي مالعالم وإنسى

بقولك حسى بوجودى

يا دنيا قلبي وحدودى

معاكى بنسى أيامى

يا صورة جوة وجدانى

وكلمة شوق على لسانى

وحضن ياخذنى من يأسى

إهريى .. إهريى
إهريى مالعالم وإنسى

إنسى اللى فات ما تفكرش

للحزن يوم ما تسلميش

يا بحر وميته قلبى

يا ورد بشوق ومستندى

ده حبك شىء ولا بيدى

واخذنى لشط ما بيرسى

إهريى .. إهريى
إهريى مالعالم وإنسى

★★★★

« هدى جدار الخوف »

هدى جدار الخوف

وأتللمدى نقطة مطر

هدى جدار الخوف

وأتزوقى زى القمر

أتمردي وإتحري

وعيشى دائماً وإسهرى

عمرك فى يوم ما هتقدرى

تغيرى شكل القدر

تغيرى شكل القدر

ما دُمنّا عايشين الحياة

ما دُمنّا عايشين السنين

ليه نقسم المر بآه

ليه نزرع الضحكة أنين

كل الشموع لو تنتهى

النور معاها بينظفنى ..
وأنتِ اللى لازم تعرفنى
أن إحنا برضه مالبشر ..
إن إحنا برضه مالبشر
خدينى لعيونك وتر ..
ودندنى أحلى نغم ..
خدينى للأيام سفر
وأتكحلى وإنسى الندم
إتكحلى يا أم الرموش
والخوف سبيه ما تصحبهوش
كل البشر نفس الرتوش
زى الورق فوق الشجر
زى الورقة فوق الشجر

★★★★

« حيناكم »

حيناكم على أدنا

على آد حالنا وطبعنا

زى ما قلنا نجبكم ..

وهوانا وافق طبعكم ..

خونتوا ليه عهد الهوى

وهربتوا لبعيد عنا ..

حيناكم على أدنا

حيناكم وإحنا اللي قلنا

الحب إيه .. الحب إيه

حيناكم وأدى الزمان

غيرنا ليه .. غيرنا ليه

ياما لامو علينا ياما

ياما قالوا كتير وياما ..

وإحنا قلنا جبكم ..

هو ده بر السلامة

ياللى عايشين زينا ..

العتاب بنكم هُنا ...

يخلي نار الحب قايدة

ولا تنطفيش طول عمرنا ..

حيناكم على آدنا

حبنا ده كان وكان ..

حبنا قصة زمان

بس لسه .. باقية لسه

لسه بتعيد اللي كان

ونعيش فى الحيرة ونحتار

ونفكر ليل ويا نهار ..

ده الحيرة وقسوة أيامها

صدقنى أقوى ما النار..

يا للى عايشين زينا ..

العتاب بنكم هُنا ..

يخلى نار الحب قيادة

ولا تنطفيش طول عمرنا

حبناكم على آدنا

★★★★

« ما تسلميش »

ما تسلميش للوهم فرحة ضحككتك
وما تحزنيش ودارى سكة دمعتك
أطوى الجروح على ماضى فات
ولا دمع ينفع ولا ذكـرـيات
عيشى الحياة .. عيشى الساعات
طول ما إنت ماشية فى سكتك
ما تسلميش للوهم فرحة ضحككتك
صحى الكلام وسمعينى وجلجلى
عيشى الغرام ولا ثانية عنه تبعدى
لمى خيوط الفجر من حوالبه
والضمى الأشواق مع الحنية
إنسى الدموع ده الفرحة مستنية
جايه بتحكى تقول وتحكى ف رقتك..
ما تسلميش للوهم فرحة ضحككتك

أيام تفوت متسرسة الأيام
مهـما تفوت ولا تنفع الأحلام
طب ليه عيونك سهرنين
وليه رموشك مجروحين
هو القمر سهران لمين
سهران قمر على خطوتك
ما تسلميش للوهم فرحة ضحكـتك
★★★★

« أحلام البنات »

يا فجر طالل ما السما
بغبوط من الفضاء
غنا الرحيل غنوته
جنب البيوت عدى ..

تحت الحيطان الطين
وخطوط رسمناها
نلعب ندور فى الحى ..
لا نعرف شكل إنهاردة
ولا بكرة إمتى .. جى ..
كنا صفار والقلب أخضر
والضفاير متكثفة
نلضم كل السنين ..
فى الفصن وينبت ..

يطرح أحلام بكاراة ..
والحلم يتفتت ..
والساقية تدور وتدور
وتشوش الميه
تروى عيون البنات
فى الرايحة والجاية ..
كل البنات اتخرطوا
والغيطان خضرت
وإنتِ يا أم الضفاير
لسه الحيطان شاهدة
لسه العجين عالمطرحة
الشمس يتبوسه
وأنا لسايا بغزل غنوتى
وأكتب قصتى ..
وأنادى عالعلم اللى ضاع
(٥٩)

ياحلم رفرف بجناحات ..
هات اللي فات ..
أزرع بذور الخيال فى عيون النبات
خلي الحصان الأبيض يطير
ويعدى فوق بيوت الحى ..
يلقى الصبايا نورت ..
وكل واحدة بتحلم بفارس
ينور فى الليالى ضى ..
★★★★



(11)

« مانيش بحلم »

« مقدمة »

مانيش فارس وشايل سيف
ولا عنتر .. بقول أشعار
مانيش بحلم بحلم كبير
جناح طير ..
وبعشق ضحكة الأزهار

« قصيدة »

الشجر عريان
ضاع الورق ويا الرياح
والربيع نعسان
والفجر مستنى الصباح ..
وعرفانى الحياة الصعبة
وخنقانى شكل الحيطان
الندى فرحان

نايم على خد العبير
الشوك أسير
والتراب سجان
بلاش نشرب دموع المطر
بلاش نفرح بطول السهر ..
لازم ندور عالحقيقة
ونخش وياها الشقوق
يا صحبى فوق
حصانك بيجمع
وأنت مش خيال
مافيش محال
قلب الفقير تدوسه القدم
يقبض ريال ..
فين الرجال ..
وفين الحقيقة القديمة ..

أركب حصانك يا صبحي
وارسم بإيدك طريق ..
حلمك في قلبك
ولا حد غالبك
سيفك في إيدك صديق ..
★★★★

« حكاية قديمة »

وتموت جوانا الذكريات ..
وتكفنها السنين
وترفرف أحلام البنات ..
فى ليل الشتا
ومطرة بتنزل فوق الحيطان
وعيون بتنعس مالشقا
وعبال كتير بتجرى ..
وتغنى تحت المطر ..
وكلاب بتعوى ..
وستى بتحلم بالقدر
وجنية فردة شعرها
سهرانة تحت القمر ..
وأخاف ما ليل ..
ومن شجرة التوت القديمة

وأخاف مالمضلمة ..
وخطوط رسمها الزمن فينا
وتخديني في حضنك
وتحكيلى عن الماضى ..
وعن صورتك وأحلامك
تضمينى .. تدفينى
عشان أنام وأنسى
أخاف من صوت أبويا ..
ومن أيدة على خدى ..
وأنام وأنا بحلم ..
وفى عيونى دمة نامت معايا ..
وأصحى وجوايا شىء مالمذكرات ..
وأعدى جنب التربة ..
ما أشوفشى غير دلع البنات ..

وعيال عالتوتة بتجمع

وتلم الوهم وتعبي

وأفضل ساعات واقف

عشان حاجة تطلعلى

لافى عالتوتة مارد

ولا جنينه تخطفنى ..

★★★★



(79)

« دائماً فى حالى »

دائماً فى حالى
وكلمة الحق فى القلب مدوخانى
أنا عايش على لقمتى
وسكتى مفروشة بالأمانى
أكتب كلام فى الخيال ..
وأفوت وأعدى فى الحديد ..
تسحبنى الحياة كتير ..
وأقب وأطلع من جديد ..
ولا عمرى كنت سعيد ..
ويحب كل الناس ..
وساعات ياخذنى الحماس ..
وأشوف الإنسانية
مفروشة بالتنهيد ..

★★★★

« بلاش عناد »

بلاش عناد .. بلاش تغير
خلى اللى بنا .. يفضل كبير
كتر الأسية .. زادت شوية
غيرتك عليه .. زادت كتير
بلاش عناد .. بلاش تغير
بلاش تلوم على قلبك
بلاش تلوم على الليالى
طبع العناد ساكن فى قلبك
وانت عنادك عليه غالى
بلاش تصحى فى الذكريات
وتعيد وتحكى فى ماضى فات
تكفينى نظرة ولو سكات
ويكون ما بنا حبة ضمير ..
بلاش عناد .. بلاش تغير

حبك فى قلبى مش بالكلام
حبك فى قلبى هو الحقيقة
لو يوم هخبى بيبان أوام
من أى كلمة ولو رقيقة ..
ضحكة عيونى بضحكها لىك
ما تغيرش منها وألوم علىك
و حياة عيونك بشتاق إلىك
بشتاق إلك وساعات بغير
بلاش عناد .. بلاش تغير

« عرق الجبين »

على قد ما إحنا بنجرى ف الدنيا

على قد ما الدنيا بتجرحنا ..

تكونش الدنيا عيشانا ..

ولا إحنا اللى عيشنها ..

ولا الشهور التلمة

تزحف وتديحنا ..

.. فين القضية ؟

وسور العدل لية مهدود

سقسق غصونك يا شجر

طول ما لأمل موجود

ما إحناش سكارى ..

بنشرب وندارى ..

إحنا اللى طوب الشوارع

أشتكى منا ..

إحنا اللي نعرق
والعرق بيهد حلنا ..
تعتع همومك يا زمن
وأمحيها مالقورة
الهم بيخاف مننا
طول ما إحنا فى الصورة
إحنا تولدنا بالشناب
لا عمرناش نشتكى
ولا مرة العزم غاب ..
إحنا اللي زرعنا وحصدنا بأيدينا الحقيقة
ليل العيون نعسان
بين نظرة تعبانة وغريقة
إحنا بنجرى فى الدنيا
ونزرع للأمل بستان
والشق فى إيدينا طريق

نايم على خد الزمان
إحنا الغيطان
بنحب لمة الزغاليل
والليل ..
الليل بيجمعنا سوى
ضحك التعب والمواويل
نعرق وبنشمر إيدينا
فى كل حنة بتلاقينا
حظن دافىء .. بحر صافى
شايل على كتفه السفينة ..
شايل على كتفه السفينة
★★★★

« موال الربابة »

« مقدمة »

الشوك بيخنق فى العبير ..
ويرفرف التوب الأبيض زى السحاب ..
وينخرس جوانا الضمير
والغصن يتمايل فى هزة ريح
والأمل خايف يطير

« قصيدة »


فين الربابة يا خال ..
يا أبو العمة الثقيلة ..
الغناوى غيرت توبها القديم
والعيون حزينة ..
والسؤال جوايا مش لاقى الإجابة
ليه الأمل مقتول فى عيون الغلابة

(٧٧)


هات الربابة
غنى موال الأهات
أخويا مات ..
قتلة الشقا والجري على لقمة رغيف
قتلة الجنية ..
والخواري والرصيف
قتلة الألم وشق حلمه بالأزاز
أزاي تعيش وإنك مسلوب الإرادة
ويعلوك صورة في البرواز ..
هات الربابة غنى موالك ..
أوعاك تدارى الكلمة وتطاطى ..
أصرخ ونادى ..
قبل ما يموت اللسان
صالح ليالى الغربة وسنينك ..

برد الرصيف .. هم الحياة ..
شدين حزام الهم أسمينك ..
الليل بيرمى بذور النهار ف السما ..
والحلم مرمى عالتراب ..
والحقيقة مؤلمة ..
والبذرة بتودع تراب الأرض ..
والموت بيقايض الروح .. والقبر مستنى
وأخويا مات ..
والربابة لساها بتغنى ..
أرسم بأيدك نجمة عالقفطان
أقسم معايا القمة والجرنان
هد الحيطان
إيه اللي نابك مالشقاوهم السنين
لقمة رغيف معجونة من عرق الجبين
وساعات تضيع اللقمة من كتر التعب ..

وساعات بتقتل فى الرغيف من غير سبب
ويتوه ما بنا الجانى ..
ويضيع النهار
ويموت أخويا .. قبل مايكمل جدار
والربابة لسه عايشة
بس مش لاقى الجيتار
★★★★



(A)



« كلام الميدان »

« مقدمة »

وتتشعبط حروف الكلمة فى لسانى
وبتعاقر عشان تطلع
وأعدى ماشاريع الضيق
ورجلية تبوس الأرض
عيون تبخلق فى اللس ماشى
خطوط عالوش مرسومة ..
طريق الكلمة لية ينسد ..

« قصيدة »

لون الحياة باهت ..
وسنينها بتصدى
عرق الحياة حادق ..
عالقورة بيندى

يا حبل الهمس يا واصل
وغازل سكتى نظرة
كلام الهمس متواصل
فى عين الخلق ميت كلمة
ماتوا الرجال على شط القنال
مات اللى فات ..
لسه عرقهم ما بين الضفة والضفة
ماشى ف سُكات
صرخت طيور البحر ..
ورشت الكلمة
نزلت فوق التراب
شرب التراب منها
صحىوا اللى ماتوا من زمان
والجسم مش كامل ..

ما فيش غير اللسان لسا بيتحرك
قول الكلام يا أبو الليالي الضلعة
أحسن غبار الميدان
يكنس حروف الكلمة ..
مين اللي هريد هدمتك ..
إيه اللي غير سكتك ..
مالك حزين ..
وعينيك هتطلع عاللي رايع واللي جاى
مين اللي باعك للهموم بكام لقمة ..
مين اللي شد الآهه من حلقك
وغما عينيك بواحد شاي ..
الفرح مش جاى ..
ولا الناي هيغنى مواله
ياصحبى لم حروف الكلام ..
فضى الميدان

ولا الوزير عمك .. ولا إنت تبقاله
ستف كلامك وإربط القورة
لملم هدومك بين إيديك ..
ده الكلمة عايزة نهار
مش عايزة شبورة ..

★★★★

« عيون الشط »

شد الحبال وإرسى
غنى غناوى الطيور ..
عيون الشط نعسانة
أنزل يادمع ما تخفشى
الحدود أزاى تشور
والدمعة نازلة فرحانة ..

يا بحر جوة العين الحزينة
عايز سفينة ..
لأجل أرسى محالرموش
وأوشوش النينى وأعدى ..
وأتمله من كل الوشوش
ليه العيون مش فرحانين
ليه البشر ما بيضحكوش

(٨٧)

إحنا إتولدنا عشان نعيش
ولا إتولدنا عشان نموت
ليه السكوت
ليه نتولد وإحنا بنبكي
ويدور بينا عاليوت ..
يا بحر قول وإحكي الألم
مين علمك تغضب تثور
مين علمك تعلا بموجك
وتوشوش الشط البعيد
يا بحر موجك من عدم ..
ولا إتولدت فى يوم جديد ..
يادمعتى ..
يادمعتى إتمردى .. وإتدحرجى
فوق الحدود

بوسى الكلام فوق شفتى
عدى ولا يهملك حدود
مين علم العين البكا ..
مين علم القلب الأئين
دة الدمعة ليل أسود طويل
ساكن عيون العرقانين
يا أدى السنين متلفلفينا ..
ودورى بينا
ورجعينا لبعضنا
زى السواقى أما تدور
والضحكة تسكن وشنا
والكلمة تروى العطشانين
ويشدنا بر الحنين ..
ونعيش على شط العيون

تاخذنا أيامه لسنين ..
وينسبى ف الزحمة إننا
كنا إتولدنا بدمعتين ..
كنا إتولدنا بدمعتين

★★★★



(11)

[illegible]

4

10

2

« حدود الأرض »

« إذا كانت الأرض كلها ذهباً لاتشاجر الانسان

على ذرة تراب »

« قصيدة »

ونتوه ..

نتوه فى عتمت السكك

ونزرع وهم ف قلوبنا ..

يخضر فوق غصون نائمة

ويطرح آهه تحوجنا

وليه يا ضحكة محبوسة

وليه يا فرحة نعسانة

ده آخر الليل نهار طالع

بيغزل فى السما ويفتل


لا يوم الشمس بتعارض

ولا يوم القمر بيمل ..

(٩٣)

وطول مالأرض بتدور
بيتسرب وراها الضل
يادنيا من زمان عارفك
معاكى الفرحة محسوبة
وفوق كل الوشوش شايفك
عيون محرومة مالمضحكة
طريقة مشتاق لتسبيله
تراب نايم فوق السكة
أيدين بتلم أحلامها ..
لكن محتاجة للخفة ..
طريق العمر مش فى الأيد ..
ولا عالقورة متصور
وليه بنعاتب الخطوة ..
وليه الشمعة بتنور ..
لفين ياخطوة وخدانا ..

وليه دائماً تصحبينا
حدود الأرض مش موجة ولا مركب ولا مينا
حدود الأرض مش خطين
بنرسمهم فوق الحيطه ..
وليه بنعلى أحلامنا ..
على حاجة ماهش لينا
ولية بنعد أيا منا
ونحسبها على أيدينا ..
لا لينا حق فى وجودنا ..
ولا إحنا إختارنا أسامينا ..
★★★★



(11)

الفهرس

احمد خليفه

- شيماء ص ٧
- سيد خشبة ص ١١
- الماضي القديم ص ١٥
- ابن البلد ص ١٩
- الممنوع ص ٢١
- مضاديق جبنين ص ٢٣
- عفاريت الليل ص ٢٦
- هز اللجام يا صبحي ص ٢٩
- صوره ص ٣١
- رؤية ص ٣٢
- الشمس فوق التراب ص ٣٣
- تحت حيطان النواحي ص ٣٧
- تخنقني الصور ص ٤٠
- مدى ايديكي ص ٤٢
- فوق الحدود ص ٤٣

محسن عموشة

- مهما تفكرى ص ٤٧
- اهرى مال العالم وانسى ص ٤٩
- هدى جدار الخوف ص ٥١
- حيناكم ص ٥٣
- ماتسلميشى ص ٥٦
- احلام البنات ص ٥٨
- مانيش بحلم ص ٦٣
- حكاية قديمه ص ٦٦
- دائما فى حالى ص ٧١
- بلاش عناد ص ٧٢
- عرق الجبين ص ٧٤
- موال الرباية ص ٧٧
- كلام الميدان ص ٨٣
- عيون الشط ص ٨٧
- حدود الارض ص ٩٣

رقم الإبداع : ٧٤٠٤ / ١٩٩٦
الترقيم الدولي / - 1022 - 19 - 977

مكتب هارون للطباعة
والخدمات الاعلامية

(10.)

يسر مكتب هارون للطباعة

والخدمات الاعلامية
ان يعلن للسادة العملاء
بان المكتب على اتم الاستعداد
لتنفيذ جميع المطبوعات
على درجه عاليه
من الجوده والاتقان
الاسماعيليه ١١٠ ش الدقهليه
- حي السلام ت: ٢٢٥٩٤٢

الاسم / مهر خلفه

الاسم عليه

صا الزهراء بقالة

الحاج الصغير في منزل

اضار الرضا

٤٤٣٩٤٠

السنة ٤٤٣٩٤١

٤٤٦٩٢٤

٤٤١٣١٥